

Urbs & Opida.

*Albertus* degener, eique filii *Fredericus Admorsus* & *Theodoricus*, qui a patruo Theodorico Misnia Marchione hæredes constituti sunt. Hunc Tractum *Sorabos* olim inhabitasse ferunt. Horum meminit *Eginhartus* & *Ammoinius*. Horum reliquias hodie vocat *Peucus Sorbec* & *Servestein* inter Albim & Salam flumina. *Reynerus Reyneckius*, in suo de Mysnorum origine libro, hos *Tyringetas* quasi *Tyringotas* putat, indeque ejus urbem *Gotham* nomen sortitam fuisse non dubitat. In hac regione quamlibet exigua, ut se accepisse ab *Hugone Brinckhorstio* Anglo urbis *Erfordiensis* Cive scribit *Ortelius*, sunt XII Comitatus, & totidem Abbatia, (quas *Gefurstere Abben* vocant) CXLIV Civitates, & totidem Opidula, vulgo *Merckstecken*: bis mille pagi, & CL Arces. *Erfurdia* sive *Erfordia*, priscis *Erphesfurdia*, *Erfesfurt* Turingia urbs primaria nomen a prinio Conditore *Erfi* nomine, sumpsisse putatur: Hic enim, cum molitor esset, molédinum suum ad *Geram* fluvium fixit, atque Civitati huic initium dedit, circa initium Imperii *Arcadii* & *Honorii*: postea a *Clodoveo* Francorum Rege anno Christi ccccxxxviii vehementer aucta ornataque: anno vero cldxvi muris cin-  
cta tanta amplitudine, ut Germaniæ totius maxima censeatur, ac *Nicht eine Stad*, Rusticis *Turingis*, *Sondern elegantzes Land*, dicatur. Hanc perluit *Gera* fluvius, atque a sordibus purgat. Episcopalis olim erat, *Bonifacio* Germanorum Apostolo conditore: ea dignitas deinde *Maguntiacum* translata dicitur. Scholam habet literarum studiis florentem, quam *Bonifacius IX* Papa privilegiis ornavit, anno cccccxii. Hujus urbis ager nulli fertilitate secundus, pascuis abundat, & herbæ *Isatidis* feracissimus est. Urbs ab *Henrico IV* multis est labefactata in commodis, ob importunam decimarum exactionem, a qua *Erfurdia* immunis semper ac libera fuit, Itaque exorto Saxonico bello avitam libertatem ferro armisque defendere, quam insolito decimarum jugo, cervices submittere maluit, idque tanto animorum ardore, ut & vitæ & fortunis *Augusti*, extremum immineret periculum. Hæc eadem cœu quodam fortunæ excelsis inimicæ ludibrio jactata, incendiis variis. Neque est aliqua urbs insignis in Germania, quæ per fatalem ac adventicium ignem toties deformatâ fuerit. Ultimo incendio, anno cccccclxxxi gravissimum sensit damnum, præsertim in Basilicis *Virginis Mariæ* & *Severi*, ut pene tertia urbis pars incendio perierit. Terribile fuit incendium illud immisso igne per conducticios incendiarios, quorum erat primarius *Dominicanus* quidam. Duæ Ecclesiæ Collegiata, quas vocant, cum ponte & insigni urbis parte conflagrarunt. Anno Domini cldcix gravissima seditio inter Senatum & Cives *Erfordienfes* exorta fuit propter insolitas quotannis impositas a Senatu plebeis contributiones. Nam Communitas unum in locum conveniens, scire voluit quantis debitis urbs foret obligata, quantumve ære alieno gravata. Senatus tumultum & populi furorem animadvertens, blandis illum & mollibus sedare verbis studuit, dicens, tempore oportuno, de omnibus & singulis tam acceptis quam expensis, rationem se redditurum. Quibus verbis Cives placati ad tempus quievêre. Diē autem constituto adveniente, rursus conveniunt, & hortantur Senatum ut rationem reddat. Tum unus cæteris insolentior, verbis asperis invadit eos qui a Civibus ad Senatum erant missi, quod non parum Cives irritavit. Cumque res diutius traheretur, videntes Cives se nihil proficere: Senatum abdicarunt, novumque instituerunt. Quid multa? Hinc gravissi-